



BÚRKUBANN Þessi kona var á gangi í Roubaix í norðurhluta Frakklands.

NORDICPHOTOS/AFP

Múslimakonur í Frakklandi verða að taka niður hulurnar:

Franska ríkið má banna búrkur

FRAKKLAND Mannréttindadómstóll Evrópu hefur dæmt að franska ríkinu sé heimilt að banna notkun búrku á almannaþæri. Tuttugu og fjögurra ára gömul frönsk kona stefndi franska ríkinu fyrir Mannréttindadómstólum og taldi að bannið gegn búrkunum bryti gegn trúfrelsi hennar og tjáningarfrelsi. Samkvæmt frönskum lögum er óheimilt að ganga með andlitshulu. Í frétt á vef BBC segir að sektin við því að ganga með slíka hulu geti numið 150 evrum eða 24 þúsund krónum. Þessi lög voru sett á í tíð Nicolas Sarkozy, fyrrverandi forseta Frakklands. Um fimm milljónir múslima búa í Frakklandi en talið er að um 2.000 konur gangi með búrkur.

-jhh

Keppni frestað á Landsmóti: Of hvasst fyrir knapa og hesta

LANDSMÓT „Það var ekki um annað að ræða en að hætta keppni um klukkan fimm í gær. Það var orðið of hvasst til að það væri hægt að keppa,“ segir Hilda Karen Gardarsdóttir, upplýsinga- fulltrúi á Landsmóti hestamanna á Gaddstaðafliotum við Hellu. Hilda Karen segir að menn ætli að hefja keppni klukkan sex í fyrramálið og vinna upp tafirnar sem urðu á dagskránni í gær. Hún segir að einhverjir áhorfendur hafi ákveðið að fara með fellihýsi sín og tjöld af svæðinu í gær en von sé á þeim aftur þegar veðrið batnar.

-jme

Breytingar á fylgi flokkanna: Atkvæði hrynja af Framsókn

KÖNNUN Fylgi Framsóknarflokks hrynur, samkvæmt Þjóðarpúls Gallup sem RÚV birti í gær.

Borið saman við niðurstöður kosninganna í fyrra fer fylgi Sjálfstæðisflokks úr 27 prósentum í 25 prósent. Fylgi Framsóknarflokks hrapar úr 24 prósentum í tæp 13. Fylgi Samfylkingar eykst, var 13 prósent en mælist nú 18 prósent, VG var með 12 prósentu fylgi í kosningunum í fyrra en 13 nú, fylgi Bjartrar framtidar hefur nær tvöfaldast, var 8 prósent en er tæp 16 nú, og fylgi Pírata sem var 5 prósent í kosningunum mælist nú 8 prósent. -jme

Rækta evrópskan humar í Sandgerði

Hafin er ræktun á evrópskum humri í tilraunaskyni í Sandgerði. Á heimaslóðum getur hann orðið 60 sentimetrar og sex kíló en sláturþyngd hans verður aðeins brot af því hér á landi. Eftirspurnin er til staðar hér fyrir þetta rándýra hnossgæti.

ATVINNUMÁL Hafin er rannsókn á því hvort unnt sé að rækta evrópskan humar hér á landi. Í apríl síðastliðnum voru nokkur hundruð slíkir humrar fluttir hingað til lands sem svamla nú í upphituðum sjó í rannsóknarstöðinni í Sandgerði. Heimkynni hans eru hins vegar við strendur Bretlands, Frakklands og Spánar í Atlantshafi, í Miðjarðarhafi og einnig er hann finnanlegur í Svartahafi. Við kjöraðstæður getur hann orðið sextíu sentimetrar og orðið sex kílóa þungur en hugmyndin er að ala hann í 300 gramma þyngd hér á landi. Það gæti tekið tvö ár en annars á þessi humar um sjö til níu ára uppvaxtarskeið.

Það er Ragnheiður Inga Þórarinsdóttir, framkvæmdastýra fyrirtækisins Svinna, sem hefur umsjón með rannsókninni en hún er gerð í samvinnu við Rannsóknasetur Háskóla Íslands og Dekkingarsetur Suðurnesja í Sandgerði, auk tveggja erlendra fyrirtækja. Rannsóknin er einnig hluti af mastersverkefni Soffíu Magnúsdóttur líffræðinema við HÍ.



RAGNHEIÐUR I. ÞÓRARINS-DÓTTIR

„Þetta er allt á byrjunarstigi og það er mjög mörgum spurningum ósvarað enn,“ segir Ragnheiður.

Hluti af vandanum sem vinna þarf á er að evrópski humarinn er afar árásargjarn svo ekki er unnt að hafa tvo saman í búri. „En við höfum verið í samstarfi við Norwegian Lobster Farm og þar hafa menn fundið svör við þessu,“ segir hún. Svinna er einnig í samvinnu við The National Lobster Hatchery á Englandi en þar eru ræktaðar humarlirfur sem síðan er sleppt. Þar er einnig hægt að ættleiða evrópskan humar en sú leið er ekki fýsileg í tilfelli Íslendinganna þar sem endalok hans verða á veisludiski.

Hún segir að eftirspurnin sé til staðar hér á landi enda er um hið dýrasta sjávarfang að ræða. Eflaust hafa margir Íslendingar séð þennan humar með sam- bundnar klær í búrum á tignarlegum veitingastöðum víða um Evrópu.

Svinna er ekki við eina fjölinna felld því þar er einnig unnið í rannsóknum sem snúa að því að stunda grænmetisræktun samhliða eldi á tilapiu eða beitarfiski, eins og hann er kallaður á íslensku. Þá er til dæmis affallsvatn úr eldinu notað til vökvunar. jse@frettabladid.is



EVROPSKUR HUMAR Í SANDGERÐI Þessum á aldeilis eftir að vaxa fiskur um hrygg en uppvaxtarskeið humars er langt. Meiningin er að ala hann upp í 300 gramma þyngd hér á landi en hann getur náð allt að sex kílóa þyngd.

MYND/HALLDÓR P. HALLDÓRSSON



HVER OG EINN ÚT AF FYRIR SIG Humarinn er árásargjarn og tekur félagsskapnum illa.

MYND/HALLDÓR P. HALLDÓRSSON

Umboðsmaður Alþingis úrskurðar Vinnslustöðinni í vil gegn ríkinu: